

KINOLOŠKA ASOCIJACIJA -UNIJA U BOSNI I HERCEGOVINI
CINOLOGY ASSOCIATION – UNION IN BOSNIA AND HERZEGOVINA

Unija kinoloških saveza u BiH

Br. 38/2010

Poštovani,

dopisom br 33/10, od 27.09.2010. godine, obavijestili ste nas o vašem pogledu na način rješenja krize u kinologiji BiH.

Želimo vam približiti stavove Asocijacije i time omogućiti lakši dolazak do krajnjeg cilja, stvaranja krovne kinološke organizacije u BiH i njenog povratka u FCI.

Takođe predlažemo održavanje prvog sastanka delegacija Asocijacije i Unije, 26. oktobra i nudimo da se sastanak održi u prostorijama Asocijacije, Nusreta Šišića Dede 7, Sarajevo.

Podržavamo vašu želju za razgovorima na ravnopravnoj osnovi, u tolerantnoj i konstruktivnoj atmosferi i insistiramo na takvom odnosu, uz isključive diskusije o budućem organizovanju kinologije u BiH, isključujući eventualne animozitete i lična neslaganja članova komisija.

Smatramo da je vaš prijedlog o broju predstavnika u delegacijama prihvatljiv i podržavamo pravo Unije, odnosno Asocijacije da samostalno odredi svoje delegate.

Nismo mišljenja da se do krajnjeg rješenja može doći na jednom sastanku, pa smatramo da rad delegacija na sastancima sa slobodnim prisustvom može samo biti otežan i pod pritiskom, izložen mogućnosti izvlačenja iz konteksta pojedinosti, nedobronamjernih komentara i tumačenja. Ali smo, svakako, za prošireni finalni sastanak na kojem bi bili potpisani dokumenti o dogovoru odnosno, osnivačkoj skupštini organizacije, o kojoj se dogovore Unija i Asocijacija. Prisustvo predstavnika saveza susjednih saveza bi, po našem mišljenju, bilo korisno i ubrzalo povratak BiH u FCI.

Takođe smo razmotrili platformu o rješavanju krize bh. kinologije, dostavljenu od vaše strane, te nakon njenog razmatranja iznosimo sljedeće.

1. U skladu sa trenutnim realnim stanjem u bh. kinologiji, instrukcijama FCI-a na beogradskom sastanku razgovori se trebaju voditi između Asocijacije i Unije kao predstavnika svojih članica.
2. Stavovi 1, 2, 3, 6, 7, iz vaše platforme su, smatramo, u potpunosti prihvatljivi.
3. U ovom momentu bi, smatramo, trebali dogovoriti izgled eksportnog rodovnika, što je i zahtjev FCI-a, a ostaviti slobodu članicama buduće organizacije da odluče da li će mijenjati izgled rodovnika koji sada izdaju, o tome se izjasne njihove skupštine i kasnije, eventualno, na takav način rješi izgled rodovnika koji bi se koristio u zemlji. Podsjećamo da FCI obavezuje svoje ugovorne članice da prilikom izlaganja na CACIB izložbama izvan svoje zemlje moraju posjedovati eksportni rodovnik. Takođe bi bilo poželjno imati jedinstven cjenovnik usluga, bez kojeg, smatramo, neće biti moguć korektan rad članica buduće organizacije a i donošenje jedinstvenog pravilnika o stručnom radu je, takođe, obavezno, s tim što u prvom trenutku, za aplikaciju za prijem u FCI nisu potrebni svi pravilnici već samo pravilnik o vodjenju jedinstvene rodovne knjige, o izložbama i sudijama.
4. Sjedište ili sjedišta nove organizacije su, smatramo, teme za razgovore na kojim bi se utvrdilo gdje jedna ili više kancelarija buduće organizacije treba da budu i kako bi funkcionisala ta služba (rad takve službe reguliše se pravilnikom) s obzirom na već postojeću infrastrukturu pregovarača.
5. Članom 8 vašeg prijedloga se zadire u isključiva ovlaštenja Skupštine Asocijacije, a i Unije, jer samo one mogu donijeti odluke o gašenju, te to nije moguće odlukom dviju delegacija. Ovo pitanje će se riješiti, smatramo, samo po sebi, ukoliko nova organizacija bude funkcionisala i kod kinologa ulijevala povjerenje i stvorila stav o tome da je prestala potreba za tri nivoa


Bosna i Hercegovina, 71000 Sarajevo, Nusreta Šišića Dede 7, Tel/fax: +387 33, 444 904; 206 468

e-mail: kinoloski_savez@lsinter.net

PDV br.obveznika: nije poreski obveznik

Identifikacioni broj: 4201227060000

NLB-Tuzlanska Banka konto: 1322602001994277



KINOLOŠKA ASOCIJACIJA -UNIJA U BOSNI I HERCEGOVINI
CINOLOGY ASSOCIATION – UNION IN BOSNIA AND HERZEGOVINA

organizovanja kinologije u BiH. Pravno je takođe upitna validnost ugovora između dva subjekta koji bi tim ugovorom prestali postojati.

6. Kako smo istakli, dogovori se vode između Asocijacije i Unije, pa tako i skupštinski saziv treba da bude iz reda tih organizacija, što bi odgovaralo principu iz varijante 2 vašeg prijedloga (član 10), ali uz poštovanje ravnopravnosti broja delegata koji dolaze iz Asocijacije odnosno Unije. Vašim prijedlogom Unija bi dala jednog delegata više, s obzirom na to da savez Brčko distrikta radi u okviru Unije i njen je član, te skupštinski saziv treba napraviti na ravnopravnoj osnovi broja delegata Asocijacije i Unije, kao i donijeti odluku o principu skupštinskog kvoruma i načina donošenja odluka koje bi bile uvrštene u statut buduće organizacije.
7. Broj članova predsjedništva, uz poštovanje ravnopravnosti naroda, izbor predsjednika su pitanja koja će, po našoj procjeni, biti riješeni u toku sastanka, s obzirom na to da predsjedništvo zakonski nije obavezno tijelo. S obzirom na relativno mali broj skupštinskih delegata, skupština može preuzeti prava predsjedništva, a predsjedavajući skupštine može predstavljati savez, uz dva dopredsjednika. U tom slučaju, administrativne poslove za predstavnike krovne organizacije mogu obavljati službe saveza iz kojih dolaze, pa time može biti riješeno i pitanje sekretara (sekretarijata) saveza, a moguća su i druga rješenja.
8. U članu 14 vašeg prijedloga ponovo želite negirati odluke skupština članica Asocijacije i naložiti šta treba da rade članice Asocijacije, odnosno postavljate se kao naredbodavac i savjetodavac i, na taj način, iznad najvišeg organa i akta svake organizacije, a to je Skupština i Statut. To ne smatramo korektnim odnosom i putem koji vodi rješavanju krize. Samo uz puno poštovanje, uvažavanje i pravo na samostalno odlučivanje svakoga možemo doći do, pretpostavljamo, zajedničkog cilja, a to je članstvo u FCI-u. Način sticanja članstva i učešća u radu i odlučivanju je moguć nakon zahtjeva za članstvo, koje se dostavlja na statutom propisan način, a ne tako što bi se dekretom nalagalo kako će se ponašati Skupštine članica Asocijacije i više puta donošenim odlukama ponovo diskutovalo.
9. Vezano za članove 16 i 18 platforme koju ste dostavili, naš stav je da je članstvo pod jednakim uslovima svih kinoloških organizacija neupitno i da se samo na taj način može prevazići kinološka kriza u BiH, ali to članstvo treba se sticati pod jednakim uslovima za sve, što je i zakonom propisano.

Refet Hadžić, sekretar

Sarajevo, 3.10.2010.godine

Napomena

Ukoliko vam ne odgovara datum sastanka, spremni smo prihvatiti onaj koji nam vi ponudite.